

e-Dinamik

MAJALAH DIGITAL AKADEMIa UiTM CAWANGAN JOHOR

eISSN: 2682-7832



EDISI KETUJUH 2025



UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.

Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademik.



Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademik untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatihah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman

Rohayu Ahmad

Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop

Dr. Nur Syamilah Arifin

Dr. Wan Munirah Wan Mohamad

Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid

Dr. Wan Nur Fazlina Abdol Jani

Noorashiekin Khalid

Mazni Mat Zin

Nurrul Amilin binti Zainal Abidin

Nurulnatisya binti Ahmad

Ts. Dr. Siti Aminah Nordin

Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran

Mohamad Hanif Bin Awaludin



A.I HANYA PEMBANTU BIJAK PELABUR

Ruziah A. Latif, Nurul Haida Johan, Zaibedah Zaharum

Kemunculan teknologi Kecerdasan Buatan (A.I) telah mengubah landskap pasaran kewangan global, termasuk strategi pelaburan saham. Di Malaysia, semakin banyak firma pelaburan dan pelabur individu mula meneroka penggunaan A.I untuk memperkukuh keputusan pelaburan mereka. A.I menjanjikan kecekapan, ketepatan ramalan dan keupayaan menganalisis data dalam skala besar. Walau bagaimanapun, ia juga hadir dengan risiko apabila pelabur menerima cadangan A.I tanpa membuat kajian sendiri. Gabungan pengetahuan pelabur, pengalaman dan data analisis A.I adalah perlu untuk keputusan yang lebih seimbang dan tepat.

A.I membawa pelbagai kemudahan dan kecekapan dalam analisis pelaburan. Walau bagaimanapun, ini tidak bermakna pelabur boleh bergantung sepenuhnya kepada teknologi tanpa memahami asas pelaburan itu sendiri. Malah, dalam era digital ini, ilmu pelaburan yang formal menjadi semakin penting agar pelabur tidak hanya menjadi pengguna pasif kepada teknologi, tetapi mampu menilai dan membuat keputusan berdasarkan kefahaman yang kukuh. Ini kerana interpretasi akhir dan tanggungjawab risiko masih berada di tangan pelabur itu sendiri. Setiap pelabur mempunyai toleransi terhadap risiko yang berbeza dan bergantung kepada umur, situasi kewangan, emosi, komitmen, pengalaman dan matlamat.





Disamping itu, A.I juga boleh menyebabkan pelabur mengabaikan pertimbangan asas yang rasional di mana ianya penting terutama dalam pasaran yang tidak menentu. Tanpa pengetahuan asas seperti analisis fundamental, analisis teknikal, serta pemahaman risiko pasaran, pelabur mudah terikut-ikut dengan “cadangan pintar” A.I tanpa menilai kesesuaiannya terhadap objektif pelaburan sendiri. A.I boleh dijadikan alat bantu analisis tetapi pelabur sendiri perlu menjadi pembuat keputusan yang bijak.

Selain itu, pendidikan pelaburan yang formal di peringkat universiti membantu membina literasi digital dan kewangan, serta menjadikan pelabur lebih kritis terhadap sumber maklumat, memahami keterbatasan algoritma dan lebih bersedia menangani gangguan teknologi atau manipulasi pasaran yang mungkin berlaku. Tidak dinafikan A.I mampu untuk menganalisis berita dan mengukur mood pasaran tetapi pelabur perlu membezakan sama ada sentimen ini bersifat sementara atau jangka panjang.

A.I berpotensi meningkatkan efisiensi pasaran Malaysia melalui dagangan lebih aktif dan ketelusan harga. Namun, ia juga boleh menyebabkan peningkatan volatiliti sekiranya digunakan tanpa kawalan yang baik, terutamanya dalam pasaran kecil dan sensitif seperti Bursa Malaysia. Pendekatan seimbang yang menekankan etika dan ketelusan perlu dititik beratkan. Oleh itu, pihak pengawal selia dan institusi pelaburan wajar menggubal garis panduan bersesuaian agar teknologi ini memberi manfaat menyeluruh kepada ekosistem pelaburan.



Sumber image: freepik.com